

Ordenanza de prezo público núm. 2

## **ORDENANZA REGULADORA DO PREZO PÚBLICO POLOS SERVIZOS CULTURAIS E DEPORTIVOS**

### **Artigo 1.º - Fundamento.**

De conformidade co previsto no artigo 41, en relación co 127, ámbolos dous do Texto Refundido da Lei Reguladora das Facendas Locais, aprobado polo Real Decreto Lexislatico 2/2004, de 5 de marzo, e demais normativa concordante de aplicación este Concello establece o prezo público pola prestación de servizos culturais e deportivos polo Concello de Ames.

### **Artigo 2.º - Concepto.**

O prezo público regulado nesta ordenanza constitúe un ingreso de dereito público que se satisfará polos usuarios que voluntariamente soliciten os servizos culturais e deportivos prestados polo Concello de Ames.

### **Artigo 3.º - Obrigados ao pagamento.**

Están obrigados ao pagamento do prezo público regulado nesta ordenanza quen se beneficie dos servizos deportivos e culturais municipais prestados polo Concello e especificados no artigo 4.º da presente ordenanza.

### **Artigo 4.º - Tarifas.**

1.- O prezo público que se debe pagar ao Concello polos servizos deportivos e culturais municipais, cinguirase ás seguintes tarifas:

#### 4.1 Escolas deportivas

##### Curso completo:

PROPOSTA DE TARIFA	MENORES DE 18 ANOS	2º MEMBRO MENOR DE 18 ANOS	3º E RESTANTES MEMBROS MENORES DE 18 ANOS	MAIORES DE 18 ANOS
UNHA ESCOLA DEPORTIVA	32,00 €	16,00 €	8,00 €	48,00 €
DÚAS ESCOLAS DEPORTIVAS	48,00 €	24,00 €	12,00 €	72,00 €

Tarifa mensual, a efectos de prorrateo da cota en caso de altas ou baixas unha vez comezada a actividade:

PROPOSTA DE TARIFA POR MES DEVOLUCIÓNS E PRORRATEO	MENORES DE 18 ANOS	2º MEMBRO MENOR DE 18 ANOS	3º E RESTANTES MEMBROS MENORES DE 18 ANOS	MAIORES DE 18 ANOS
UNHA ESCOLA DEPORTIVA	4,00 €	2,00 €	1,00 €	6,00 €
DÚAS ESCOLAS DEPORTIVAS	6,00 €	3,00 €	1,50 €	9,00 €

A fin de favorecer unha maior participación nas escolas deportivas, cada persoa só poderá matricularse nun máximo de dúas escolas.

#### 4.2. Importes dos prezos públicos a abonar polos/as usuarios/as dos obradoiros culturais municipais.

##### Curso completo

PROPOSTA DE TARIFA	MENORES DE 18 ANOS	2º MEMBRO MENOR DE 18 ANOS	3º E RESTANTES MEMBROS MENORES DE 18 ANOS	MAIORES DE 18 ANOS
OBRADOIROS	40,00 €	20,00 €	10,00 €	50,00 €

Tarifa mensual, a efectos de prorrateo da cota en caso de altas ou baixas unha vez comezada a actividade.

PROPOSTA DE TARIFA MENSUAL DEVOLUCIÓNS E PRORRATEO	MENORES DE 18 ANOS	2º MEMBRO MENOR DE 18 ANOS	3º E RESTANTES MEMBROS MENORES DE 18 ANOS	MAIORES DE 18 ANOS
OBRADOIROS	5,00 €	2,50 €	1,25 €	6,25 €

#### 4.3. Viaxes organizados polo Concello, campamentos fóra do termo municipal:

O prezo será fixado pola Xunta de Goberno Local, de xeito que, polo número dos solicitantes, se cubra o custo total da actividade, segundo o estudo de custos presentado polo Departamento correspondente (Cultura, Medio Ambiente, Mocidade, Servizos Sociais) na súa proposta, correspondendo á Xunta de Goberno Local a aprobación individualizada de cada prezo á vista da proposta presentada. Porén, cando existan razóns sociais, benéficas, culturais ou de interese público que así o aconsellen, debidamente acreditadas mediante informe técnico dos servizos correspondentes, a Xunta de Goberno Local poderá fixar un prezo que non cubra o custo do mesmo, sempre que nos orzamentos exista consignación orzamentaria para a cobertura da diferenza existente.

Con independencia do anterior, considéranse razóns sociais que lexitiman a aplicación dun desconto nas tarifas correspondentes, sempre que exista consignación orzamentaria para cubrir a diferenza, as seguintes:

- O segundo membro da unidade familiar menor de 18 anos pagará o 50 por cento do primeiro.
- O terceiro e restantes membros da unidade familiar menores de 18 anos pagarán o 25 por cento do primeiro.

#### 4.4. Campamentos urbanos e similares

a) Cando a duración sexa inferior a 20 horas: 0,30 euros/hora.

Cando a duración sexa superior a 20 horas: 0,20 euros/hora.

#### 4.5. Entrada a espectáculos, obras de teatro, actuacións musicais e similares nos centros socio culturais, organizados polo Concello:

a) Cando o solicitante sexa maior de 18 anos: 2 euros.

b) Cando o solicitante sexa menor de 18 anos: 1 euros.

#### 4.6. Impartición de cursos de natación na piscina descuberta de Bertamiráns e Milladoiro, nos meses de xullo e agosto.

Cota: 20,00 euros por curso.

O segundo membro da unidade familiar menor de 18 anos pagará o 50 por cento do primeiro.

O terceiro e restantes membros da unidade familiar menores de 18 anos pagarán o 25 por cento do primeiro.

#### **Artigo 5.º - Normas de xestión.**

1. A obriga do pagamento do prezo público xurde desde que se inicia a prestación do servizo deportivo ou cultural enumerado no artigo anterior. Sen embargo, o concello, de conformidade ca habilitación prevista no artigo 46 do RDLex. 2/2004, de 5 de marzo, esixirá o depósito previo do seu importe total.

2. O ingreso do prezo público se fará en réxime de autoliquidación nas entidades bancarias designadas polo concello. Non se prestará o servizo solicitado sen a presentación do xustificante de ter ingresado o correspondente prezo público.

3. Cando por causas non imputables ao obrigado ao pagamento do prezo, non se preste o servizo, procederá a devolución do importe correspondente.

4. No caso de existir varias solicitudes coincidentes darase preferencia no caso dos particulares ós empadroados no Concello de Ames e no caso de entidades ás que teñan a súa sede social no Concello.

5. Nos seguintes casos o órgano municipal competente poderá acordar a exención total das tarifas expostas:

° Casos de emerxencia social declarados polo Concello, ao abeiro do disposto no Regulamento de emerxencia social.

° Integrantes de unidades familiares que, sen estar en situación de emerxencia social, no lugar do certificado de entidade bancaria do saldo medio, acheguen coa declaración xurada do artigo 11.5.2 b) da OFX, un informe social no que se acredite (de forma conxunta e non illada) que se trata de familias con menores con problemas de integración social, familias en risco de desestructuración familiar, pendentas de iniciar ou tendo iniciado un expediente de protección de menores, ou casos de intervención socio familiar, e non acrediten ser titulares doutros bens que pola súa valoración ou recente adquisición evidencien signos de capacidade económica suficiente

6. As débedas por prezos públicos poderán esixirse polo procedemento de apremio.

7. As cantidades aboadas soamente serán devoltas cando non se poda utilizar o servizo por causa de forza

maior non imputable ao interesado. Estas causas deberán ser debidamente xustificadas na solicitude de devolución que se formule, debendo achegar a esta os documentos xustificativos que en cada caso correspondan. Fóra destes casos, non se efectuarán devolucíons das cantidades aboadas.

#### **Artigo 6º .- Delegación na Xunta de Goberno Local.**

No suposto de que o servizo ou actividade cultural ou deportiva a prestar polo Concello, non se encontre tarifada na presente Ordenanza ou resulte necesaria a modificación ou actualización das contías, délgase na Xunta de Goberno Local, conforme os artigos 47 do Real Decreto Lexislativo 2/2004, de 5 de marzo, e 23.2 b) da Lei 7/85, de 2 de abril, o establecemento da tarifa ou a actualización da mesma, a proposta do servizo técnico correspondente co previo informe do interventor municipal.

#### **Disposición derogatoria**

Coa entrada en vigor da presente ordenanza fiscal queda derogada a anterior ordenanza reguladora do prezo público polos servizos culturais e deportivos prestados polo Concello de Ames.

#### **Disposición derradeira**

A presente ordenanza, unha vez aprobada definitivamente, será publicada integramente no Boletín Oficial da Provincia e comezará a aplicarse unha vez transcorra o prazo previsto no artigo 65.2 da Lei 7/1985, do 2 de abril, e manterase en vigor mentres no se acorde a súa derogación ou modificación expresa.

*As publicacións no Boletín Oficial da Provincia, foron:*

*Texto íntegro – BOP núm.300 de 31/12/2004.*

*Primeira modificación puntual - BOP núm. 270 de 24/12/2009.*

*Segunda modificación puntual - BOP núm. 243 de 23/12/2010.*

*Terceira modificación puntual - BOP núm. 247 de 29/12/2011.*

*Cuarta modificación puntual – BOP núm. 245 de 26/12/2013.*